



封内風土記

西磐井郡
八下

ル 4
770
20



門凡呂
號 770
卷 20



封內風
日
新館
慶
書
至
郡

十八下
田邊希文撰

明治三六年
九月八日
麟末

西磐井吾勝鄉平泉邑古昔平泉中尊寺戶河內
達谷四邑及膽澤郡上下衣川邑曰衣里有號高
館地此以下二十四邑凡為吾勝鄉此邑名古昔
郡名也
神社凡二十一
山王社二
八幡宮二
共
不詳何時勸請
共同上其一今荒廢惟存遺址

熊野神社二 共同上其一今荒廢惟存遺址

王子諸社 不詳何時祭何神

白山社 不詳何時勸請

祇園社 同上

稻荷社 同上

新山權現社 同上

天神宮 同上今荒廢惟存遺址

日光社 同上

伊豆權現社 不詳何時勸請

貴船神社二 共同上其一今荒廢惟存遺址

幸神社 不詳何時勸請

諏訪神社 同上

愛宕社 同上

山神社 同上

白幡明神社 同上

佛宇凡三十三

金堂 傳云毛越寺開山時造之下皆号圓隆

寺本尊丈六藥師日光月光十二神將像皆

運慶作而本朝入玉眼於佛像之權輿也

正親町帝元龜三年或為天正元年或為後堀河帝嘉祿二年未

知孰是。回禄者。為灰燼。今惟存其遺址。此下。

告微此。

嘉祥寺堂。傳云木尊丈六藥師十二神將各

一。慈覺大師作。回禄為灰燼。今惟存其遺址。

講堂。傳云木尊金胎兩部。大日如來。回禄。

惟存遺址。

常行堂。回禄之後再造之。每歲正月一山會

集行古禮祭式等。

法華堂。傳云木尊釋迦十手觀音二十八部

衆鬼子母神十羅殺女悉。回禄。今惟存其

遺址。及鬼子母神像。遺址。

經藏。傳云。回禄。惟有遺址。

聖山塔。同上。

鐘樓。同上。

鼓樓。同上。

辨財天堂。二。其一同上。其二不詳。何之創建。

大黑天堂。同上。

南大門。同上。

護摩堂。同上。

經堂。同上。

千手堂 同上

大阿彌陀堂 号觀自在王院傳云藤原基衡

妻造營之罹元龜之災其後中御門帝享

保中再造基衡妻迹衛帝仁平二年四月

廿日没至今每歲四月廿日一山會集於此

堂荷輿回堂以蔡禮之式行法事

小阿彌陀堂 同上傍有基衡妻之古墓乃阿

部宗任女也又其遺址傍有古石佛氣仙郡

鑿相原三畏所著之記云邑民号之音頭佛

傳云古昔西阿彌陀堂造營時主人夫者建

之呼此者曰音頭故名之土俗曰夫石者誤

也凡運送大木大石等衆人發聲為勢其初

發聲者曰音頭

鉄塔 光嚴帝文和四年十月回國僧奉納六

十部妙典之塔也

五重塔遺址 在嘉祥寺西古礎猶存

新御堂 号無量光院東盤云秀衡造營之罹

回祿惟有遺址

存遺址

普賢堂 罹回祿惟遺址

大日堂 同上

文珠堂 同上

吉祥堂 同上傳云古昔号金輪山吉祥寺

文 按本尊之事詳於東鑑

慈覺堂 同上

金峯山 同上傳云古昔号國峯近郡之修驗者所入峯也

不動堂 不詳何時創建

藥師堂 同上

三重塔 同上今存遺址

寄水觀音堂 在民家之後不詳何時創建

義經堂 古堂荒敗 靈元帝天和三年十一

月 邦君命再造之

寺凡七

鑿王山毛越寺 号金剛王院傳云仁明帝

嘉祥三年庚午慈覺大師開基 堀河帝鳥

羽帝勅願之靈場而藤原基衡奉勅創建

堂塔佛像其子秀衡相繼造營之東鑑所記

云堂塔四十餘宇僧房五百餘宇 後堀河

帝嘉祿二年十一月八日 或為元龜三年 罹

回祿悉為烏有所殘者歷年之久荒廢惟

存其礎或為田畠其名存者亦多今僅存堂

社八九字僧舍今十八坊希文按十八坊号之
眾徒其魁号日輪院隆藏寺清僧也 正親
町帝天正中真言宗号玄鏡法印僧為中興
閑山而武列江戸天台宗東叡山之末寺也
其餘白玉院覺城坊壽德院圓藏藏坊光圓院
圓光坊大乘院柳下坊金剛院鳥屋碕坊慈
光院連繞坊妙禪院池上坊正善院善正坊
感神院寂淨坊覺惟院梅下坊普賢院山繞
坊福昌院寶全坊壽命院十繞坊寶積院櫻
岡坊十子院常本坊藥王院十光坊蓮成院

蓮乘坊此外有称承仕者二坊号鏡全炯明
除隆藏寺其餘十九坊皆妻帶之僧也

- 圓隆寺遺址
- 嘉祥寺遺址
- 吉祥寺遺址
- 觀自在王院遺址
- 無量光院遺址
- 比丘尼寺遺址

傳云古昔有尼寺今有其遺

倉廩 在高館租米及糶

舊跡凡三十二

高館遺址 或号衣川館在中尊寺東南而隔
八町餘氣仙郡醫相原三畏所記云老^考百年
前記古城書曰此館東西四百六十間餘南
北百三十間餘高五十間此之北上川流東
山之麓今流此館之下以古昔之地圖視之
百年以來之事而屢為洪水崩壞今甚狹秀
衡使民部少輔基成朝臣居於此館義經得
賴朝卿之嚴譴之別構館使之居焉号之柳
御所義經自殺於此基成在高館泰衡滅之

之後賴朝卿使十葉亂賴石基成父子之事
見於東鑑然東鑑記豫列在民部少輔基成
朝臣衣川館而自殺者未審或云此館安部
賴朝築而負任所居之衣川柵佐久間洞岩
所記亦云爾者非也東鑑記賴朝卿歷覽賴
朝衣川遺跡郭土空殘秋草鎖之數十町礎
石何在舊苔埋之百餘年以是觀之則柵與
館別尤分明

柳御所遺址 傳云清衡基衡所居或云義經
所居 希文 按義經東行之秀衡使之居此舊

館乎

勅使宅地道址 傳云古昔堂宇造營之暇

鳥羽帝勅使在少辨富任朝臣下向所居

國衡隆衡宅地道址 在南大門南今為畠北

右築出八所東鑑云西木戸有嫡子國衡家

同四男隆衡宅相並

弁慶宅地道址 而在高館之北今上川所流

葛西宅地道址 在中尊寺南高館西

羽帝文治五年九月賴朝卿下向暇使葛西

三郎清重奉奧州總奉行且管領平泉郡內

檢非違使所之事故構館於此地三世住居

後移居於登米郡

最明寺洞傳云北條暇入道巡國暇休于

此處

櫻泉傳云自古泉邊有櫻樹其樹枯則再繼

植之

大泉傳云古昔鑿穿池於金堂講堂之前築

島構南大門於池南自講堂庭前懸反橋池

痕今所存南北二十餘間東西倍之池中三

石二個池邊假山岩石亦存二個立石邑民
号之僧石其石形如兩僧相向立故名之亦
号雙石

鑿通泉 在金堂遺址後傳云慈覺大師加持
之泉也又号獨銛水

酒泉遺址 在平泉館南今道路之東也傳云

古昔酒泉所涌邑人号之泉酒氣仙郡醫相
原三畏所記云称醴泉之甘味名之乎此地
平也所以有平泉之名者職此之由乎
鈴澤池遺痕 傳云古昔在白山日吉西社之

前今其痕僅存西曰池上東曰池尻

梵字池 在高館東南傳云鑿彌陀種字形今

其痕僅存

瓜破泉 傳云清齋盛夏涵瓜於此泉

冷而自破故名之

金雞山 在圓隆寺民隅高館坤隅傳云基齋

以黃金造雌雄雞築山埋之為東泉之鎮護

又鄉說曰秀衡欲以漆一萬杯交黃金一億

藏於土中傳遜於後世之子孫想當此山自

古所傳倭歌云朝日佐志夕日耀父木下仁

漆萬盃黃金億置

鏡山傳云模寫江列鏡山之容

鏡嶽在毛越寺北傳云古昔毛越寺中尊寺

兩山之僧集會時撞鏡處或云國中處之高

山四十八處掛鐘軍中報急此亦其一也

平泉館遺址平地也東鑑曰嘉樂館土俗曰

伽羅御所者是也今悉為田畠金色堂正南

方而隔十餘町鎮守府將軍陸奧出羽押領

使藤原清衡領騰澤江刺和賀捍貫志和岩

手六郡居江刺郡豐田館堀河帝嘉保元

年移於本郡平泉館稱奧御館其子基衡其

子秀衡其子泰衡相繼居之至泰衡之氣仙

郡醫相原三畏所記云東鑑記康保中移平

泉者嘉保之誤也佐久間洞岩曰康保誤康

和其字形相似者亦非乎為嘉保元年者與

清原實俊所告賴朝卿命為康和者亦年數

不合

忠衡館遺址東鑑云三男泉三郎忠衡者在

于泉屋東今探問之邑民無知其遺址所在

者

高屋宿倉町車宿遺址 東鑑云觀自在王院
南大門南北路東西及數町造營宿倉町又
建數十宅高屋西南北有數十宇車宿土俗
傳云車宿古昔造營堂宇安置運送木石牛
車處

猫間洲遺址 在高館東南今為田土俗傳云
古昔似号猫間扇形石在島中故名之又云
古昔号扇前女投此洲死故亦曰扇洲今世
所傳說有清悅物語書云義經滅亡時許大
蛇出於此洲又近世所刊行鎌倉實紀

古墓亦記大蛇之事又云大蛇扇前所化怪異之

說不可信姑以所傳記之

鈴掛森 傳云古昔修驗者金峯山入峯時著

鈴掛於此地故名之

花立遺址 傳云古昔金峯山神事立造花處

粧坂 傳云古昔摩多羅神祭日田樂人著裝

束

時大鼓宅地遺址 今為民居傳云古昔以鼓

報時處

舞鶴池遺痕 傳云古昔在兩弥陀堂前今為

田中島經塚遺址僅存近世植杉
兒塚いづか郡說傳云古昔堂社拜參之兒爭鬪死
葬之故名之

兒澤 流兒塚下故名之

檀森 又号五郎檀森傳云古昔出黄金處

修正田 傳云古昔正月修正料免田也

霜月田 傳云古昔霜月天台大師講料免田

也

月忌田 傳云古昔兩弥陀堂佛供料免田也

古墨凡四

其一 号日向館傳云葛西家臣安土日向傳

所居

其二 号大佛館傳云葛西家臣黑澤豊前傳

所居

其三 号新城館傳云黑澤豊前退隱處

其四 号鳥屋碕館傳云葛西家臣鳥屋碕備

中傳不傳所居

川凡三

北上川 西方属木邑此川與阿武隈封内南

北西大川也古昔流平泉邑東長部山麓今

流數十町西高館下以古昔之地圖考之百
年以來也古昔川跡今為沼高館亦以此川
屢洪水崩壞甚狹於古昔之地源在南詔岩
手郡而自厨川隔八十里許号源弓朔池有
觀音堂号北上山通寶寺池乃所涌於其傍
之清泉也此川歷岩手志和桿貫和賀數郡
而入封内又過膽沢江刺磐井登米本吉遠
田桃生數郡至鹿股邑分為兩派一派至壯
鹿郡石卷注海一派至本吉郡追邑入海
古大田川達谷川之末流而本邑曰之大田川

白至細谷邑會北上川
源出自本郡赤荻邑笹谷澤而至樋

堰凡二

其一 号南照丹五串赤荻山目作瀬細谷樋
口中里平泉前堀凡九邑之用水

其二 号北照丹五串達谷平泉中尊寺凡四

橋凡六各土橋

其一 長八間濶二間半 大田川

其二 三 各長六間濶二間半 每谷
其四 五 六 各長五間濶二間半 每澤
道凡四 澤 堰 澤

其一 南木郡山目驛北 膽澤郡前澤驛往南 部道

其二 往膽澤郡上衣川邑道
其三 四 往東山小島長部兩邑道

中尊寺邑 傳云古昔曰衣里有号瀬原地
神社凡十一

白山社 在光堂良隅中尊寺鎮守也記宮殿

造管德治三年大檀那法橋實源木地佛十
一面觀音慈覺大師作有舞獅子傳云此終
人時代所^寄附祭禮每歲初午日古風之儀式
也者申樂一山衆徒執行 布文 按德治之号
後二條帝御宇而三年 花園帝延慶元
年車也

山王社道址 在光堂西是亦中尊寺鎮守也
東鑑曰南方崇敬日吉社北方勸請白山宮
是也古昔回祿之後今惟存其遺址
天神宮 在經藏堂北回祿之後假宮也

稻荷社

鬼門鎮守号白狐山

熊野社

假宮傳云社中有靈石

七高山社

假宮不詳奈何神

愛宕社

社中有辨慶像辨慶堂古昔在中尊

寺山下荒敗之後移于此

八幡宮遺址

熊野社遺址

八王子社遺址

宮小路遺址傳云諸神勸請处在龜井松南

而延北上河邊

佛宇凡三十五

山王本地堂木尊釋迦湛慶作文殊普賢運

慶作有大日如來像運慶作而傳云秀衡之

持佛也号人色大日土俗云人膚大日以佛

之肌膚溫也是誤人色者也罹兵燹所

焦痕

金堂遺址在光堂北傳云木尊丈六釋迦文

殊普賢回祿之後今存後光佛而已鳥羽

帝天仁元年藤原清衡造營三間四面在右

廊二十二間回祿之後今惟存其遺址

金色堂 号光堂天仁二年清衡造管三間四面内外四方悉以鹿布裹之以黑漆塗之貼金箔為金色堂中柱圖胎藏界大日十二体以螺鈿雕細紋有三壇各以螺鈿飾之堂中藏清衡基衡秀衡三人之屍後世為除風雨木堂之外造第堂覆之五間四面傳云伏見帝正應元年錄金將軍惟康親王命之平貞叟宣叟造管之木尊弥陀觀音勢至多門持國二天六地藏各添橋定朝作中央壇中右清衡棺東北隅壇中有基衡棺西北隅壇

中有秀衡棺壇上佛像各與中央之數同後水尾帝寬永中修補之叟黃門君令使癸棺而點檢其中清衡棺長六尺曠二尺裹之以白綾漆其上納劍一口及鎮守府將軍印^筆蓋基衡裹之以白絹朱其上觀白衣表錦袍秀衡亦然藏泉三郎忠衡首函高二尺方一尺五寸東山帝元祿十二年修補之叟新造櫛以藏其棺什物清衡大刀二尺餘基衡大刀一尺八寸許秀衡擊刀一尺六寸廣一寸二分各自棺中出之有義經短刀又有

不動矜迦羅勢多迦三像共慈覺大師所造
傳云此像古昔金色堂拜殿之本尊也拜殿
頽廢之後安置木堂內緣
闕迦堂在經藏南光堂東此堂古昔在山下
其遺址存于今櫻町帝寶曆二年再造於
今地安置回祿之後所移於光堂內緣之木
尊丈六彌陀藥師共慈覺大師所造也
經藏 在光堂西北今日之經堂傳云天仁元
年造堂而二階之堂也回祿之敗上之一層
燒也修補其殘三間四面堂中構八架納清

蘄基蘄秀蘄三世所寄附一切經其函廣七
寸長一尺五分高三寸五分以黑漆塗之蓋
上以螺鈿貼利弗阿眼曇論上帙之八字其字
義不詳清蘄所納紺紙金銀泥而行字交基蘄
所納紺紙金泥秀蘄所納黃紙宋板也本尊
文珠獅子座右優闍王把魯淨名居士採拂
子立其後左善哉童子捧卮送佛陀波利持
錫杖立後傳云谷昆首羯摩所造其精妙非
凡工之所及或云運慶作其餘千手觀音廿
八部衆共運慶所造其妙不可勝言傳云

基衡持佛也。三重寶塔之本尊大日如來。彌陀藥師共堂。宇回祿之後，移於此堂。什物有藕絲九條，袈裟水晶玉徑二寸八分，号之水。火玉蛇牙長三寸八分，廣三寸五寸，青黃色也。此外佛具古器古文書等若干。

藥師堂 在光堂東南。此堂古昔在中尊寺南峯，故号峯藥師遺址。今猶存。里俗呼曰藥師出山本尊。大六藥師慈覺大師所造也。其餘有彌陀觀音勢至檀金三像。傳云清衡持佛也。此堂荒敗之後，正親町帝天正之比

失佛像有瑞夢。靈元帝天和元年辛酉八月五日，昏黑鑿峯藥師古堂遺址，邊得之。於土中造堂安置，以酉年酉月酉日酉時得之。實靈佛也。

釋迦堂 三間四面傳云本尊釋迦文珠普賢定朝作。

白狐山本地堂遺址

辨財天堂 在經藏東池中，島紺紙金泥最上。王經曼多羅十幅彩色畫其精巧之珍奇，不可勝言。厨子裝潢。肯山君夫人萬壽寺殿。

之再興也傳云最勝王經源義經所自書也
藥師堂遺址 本尊藥師十二神像共慈覺大
師作安置於假堂

大日堂 三重塔本尊

彌陀堂 本尊慈覺大師所造

十手堂遺址 同上安置於假堂

大塔遺址 本尊大日同上

觀音堂遺址 本尊安置於假堂

彌勒堂 傳云古塔本尊

多寶塔遺址 號多寶寺 帝天跡云平奉山

大佛堂遺址 遺址在東山開闢關隘築於此

三重塔遺址 遺址在東山開闢關隘築於此

小經藏遺址 遺址在東山開闢關隘築於此

地藏堂遺址 遺址在東山開闢關隘築於此

帝釋堂遺址 遺址在東山開闢關隘築於此

辨慶堂遺址 在中尊寺山中

護摩堂遺址 遺址在東山開闢關隘築於此

大日堂遺址 遺址在東山開闢關隘築於此

開山堂遺址 遺址在東山開闢關隘築於此

仁王門遺址 二處

觀音堂遺址二處

鐘樓 在光堂東康永二年七月願主權律師

賴榮大檀那在迺將監平親家同當國大將

沙弥義慶布女按康永之号光明帝御宇

也親家義慶未詳何人古鐘樓樓回祿之後再

造之傳云賴榮者金色院住持也

講堂遺址

西界堂遺址

二階大堂遺址 東鑑云寺院中央有多宝寺

安置釋迦多寔像其中間閑關路為旅人往

還之道通次釋迦堂安置金容釋迦像百餘体

次西界堂安置西部諸尊金色木像次二階

大堂高五丈安置金容弥陀及脇立九体賴

朝卿伐泰衡之後畝錄倉摸此堂造二階堂

号永福寺錄倉志云今其遺址存于錄倉二

階堂邑田中

常誥堂遺址 在光堂坤隅

虛空殿堂遺址

前鬼堂遺址

寺院凡十九

關山中尊寺

号弘台壽院傳云

仁明帝嘉

禪^祥三年庚午慈覺大師開基勸請白山山王

兩社為一山鎮守創建諸堂社安置諸靈像

後冷泉帝天喜康平之間鎮守府將軍源

賴義義家征伐阿部負任宗仕貶於衣關月

見坂祈願凱旋貶寄附懸尻小前澤兩邑

堀河鳥羽兩帝勅願之靈場而堀河帝長

治二年乙酉勅使按察使中納言顯隆卿下

向傳命鎮守府將軍藤原清衡經營之其子

基衡基子秀衡相繼造立佛像堂塔清衡經

營之初南至白河關北至外濱二十餘日之

行程其道每町建笠卒都婆圖畫金色弥陀

像計國之中心先造最初院於山上安置釋

迦多寶像多宝塔是也堀河帝嘉承二年

丁亥造大長壽院本尊四丈弥陀脇士九体

各丈六二階大堂是也鳥羽帝天仁元年

戊子造金堂經藏本尊釈迦三尊各丈六同

二年己丑造金色堂築白狐山麓造立藥樹

王院安置藥師及觀音三十三体其後願成

就院本尊藥師丈六瑠璃光院本尊藥師十

二神常住院木尊釈迦三尊釋尊院木尊同
上光勝院木尊弥陀葉師各丈六金剛王院
本尊金剛界大日大教王院木尊兩部大日
十手院木尊十手觀音成就院佛聖院三重
塔帝釈臺七高山愛宕熊野八幡諸社辨財
天堂相繼造建之 崇徳院天治三年壬寅
三月廿四日 勅使中納言顯隆卿下向有
供養 勅願文存于今唐筆天台大師像傳
云開山大師護持靈室共為一山之重宝鎌
倉將軍家及國守共有寄附之地 後醍醐

帝建武中罹回祿其所存者亦亂世數十年
之間或罹兵燹或荒敗堂社坊宇悉為烏有
古堂所存者僅光堂經藏而已其餘堂塔并
餘宇僧坊十八區各造小社假堂於舊地之
礎跡安置所存之佛像衆徒十八人總別當
坊金色院法泉院小前澤坊常住院南谷坊
大長壽院西谷坊願成就院中野坊釈尊院
上西谷坊善法院鉢森坊利生院觀喜坊瑠
璃光院永根坊地藏院東谷坊真珠院大林
坊圓乘院櫻木坊觀音院觀智坊金剛院池

名所凡三

邊坊大德院別所坊積善院觀善坊圓教院
吉祥坊外修驗一人周明院傳云古昔社人
也兼仕一人行善清僧妻帶相錯邦君寄
附之地總別當五十石金色院十九石七斗
西谷坊十六石九斗天台宗而古來木寺不
定後西帝寬文五年為武列東叡山末寺
衣關在隔高館一町餘西戌方或云在膽澤
郡白鳥邑号鶉木其傍有開山明神社今号
之關門宅地氣仙郡醫相原三畏所記云東

鑑云安倍賴朝領奥六郡之西至白河關東
至外濱各十餘日之行程其中間開關門号
衣關此說則賴朝始構關門不知也前大
平記云衣川關負任曾祖父安倍忠賴_押領
六郡以來八十餘年居此城以是觀之則以
近衣川故号衣關可知也又以清衡号關山
中尊寺視之亦中尊寺近此關著矣膽沢郡
白鳥邑中尊寺隔十餘里疑別關乎猶待他
日之所考也
衣鄉傳云古昔此邑邊渾号衣鄉

衣川 今屬膽澤郡源有二其一出自膽澤郡
須川岳麓其二出自同郡下嵐山下二川相
會東流中尊寺後入北上川以百年前之地
圖併考則衣川北上川共其所流大異於昔
時

舊跡凡十三

月見坂 坂頭有地藏石像又中御門帝享保
中邑人所建也
雞足洞 詳於平泉邑下
鐘嶽 詳於平泉邑下

三重池

田樂森

假屋別所

按察使泉

毛分坂

蓮臺野

衣川中瀨

士宅地街路及市井遺址

田畠中有市井名存者

山王嶽

傳云辨慶戰死處
在北上川泉傳云

祠堂森

名木凡九

衣關櫻

衣關楓

衣川岸松

右三木古歌所詠

薄黑櫻

或号辨慶櫻

龜井松

中尊寺山下有古墳栽松傳云

龜井六郎重清墓

鈴木松

在閑迦堂遺址北傳云鈴木三郎重

家墓也

腰掛松

池東北有老松傳云源義經屢遊於

此處所憩息也

老婆杉

在白山社北其圍四丈八尺餘幹枝

多枯朽為虛枝僅存綠葉傳云古昔本列三

戶郡南宗坊者所植也

辨慶松

在辨慶堂遺址

古塚凡三

魚房塚

近龜井松傳云增尾十郎權頭兼房

墓也有石碑高三尺餘廣一尺餘文字漫滅

不見

龜井塚

鈴木塚

古墨一

照井館

傳云秀衡家臣照井太郎高春或高直

所居

川凡三

衣川 南方屬木邑

德澤川 源出自膳沢郡上衣川石宇澤而至

木邑會衣川

櫻川 中尊寺高館之間也廣三間許源出自

西山之間東流関路之北入北上川或云安
信賴之植櫻樹於長部山故曰流其麓北上
川号櫻川東鑑所記云流長部山麓川乃北
上川而不曰櫻川則別川可知也

堰一

北大堰 木邑及膳沢郡上衣川下衣川三邑

用水

橋凡三

各土橋

其一 長三十六間濶三間

衣川

其二 長十四間濶二間半

德澤川

其三 長九間闊二間半 櫻川

道凡三

其一 南本郡山目駄北膽澤郡前澤驛往還
之大道

其二 往膽沢郡上衣川邑道

其三 往東山長部邑道

戸河内邑 傳云古昔此邑邊号衣郷

神社凡二

宇南権現社 不詳何由勸請
神明 無社有大石二個号内宮外宮内宮石

建並七高一丈餘横三間餘外宮石高五尺餘横二

神社間餘不詳何由祭之

古墨凡二

其一 号毘毘柵土俗号泉城平地也在中尊

寺北傳云古昔安倍負任族兄成道所據之

古墨也 後冷泉帝康平中号之毘毘柵

後鳥羽帝文治中秀衡三男泉三郎忠衡居

之故号泉城氣仙郡醫相原三畏所記云據

東鑑記頼朝卿歷覽此毘毘柵成道之舊跡

也忠衡所居在泉屋東則曰忠衡所居者非

其二 傳云葛西家臣黑澤兵庫傳不所居也
在衣川岸上而洪水貳崩壞今僅存其遺址

森一 蟻殼森 山上多蟻殼故名之

川凡二 衣川 南方屬木邑

戶河內川 源出自木邑岩目澤而至泉城下

道一 高往膽澤郡間道也

達谷邑

神社凡六

日光權現社 不詳何貳勸請

愛宕社 同上

白山社 遺址 在西光寺中不詳何貳勸請

神明社 遺址 同上

稻荷社 遺址 同上

山王社 遺址 同上

佛宇凡十一

聖德太子堂三 共不詳何貳創建

十王堂 同上

毘沙門堂 在達谷窟傳云桓武帝延曆廿

年田村麻呂創建達谷窟中構長樓長九間

廣七間曰九間四設架於岩窟而造之摸京

師鞍馬寺安置多門百八休之像後土御

門帝延德二年罹野火之餘焰堂塔及仁王

門等悉延燒今僅存二十八休各慈覺大師

所造而一刀三禮之靈像也今堂後世所再

造也

辨財天堂 木尊慈覺大師所造安置於蝦蟆

池中島不詳何人創建傳六年

藥師堂遺址 在西光寺中不詳何人創建曰

講堂遺址者是也

不動堂遺址 在姬待瀑布山上木尊丈六智

證大師所造傳云藤原基衡創建

八尺堂遺址 在西光寺中木尊正觀音惠心

僧都所造不詳何人創建

仁王門遺址

鐘樓

寺凡二

真鏡山西光寺

号廣照院天台宗武列東叡

山末寺妻帶也傳云田村麻呂所創建而水

田寄文今猶存邦君寄附之地三十石不

詳何人開山

無量壽院遺址本尊丈六運慶作傳云藤原

清衡造營之

孝子孝婦凡二人邑民長助家貧事大老父母

致孝去秋雖遇大凶歲聊不怠奉養盡心姊子

幼而瞽也亦能育之其妻亦相共執婦道而助

之一鄉稱之今上帝寶曆六年九月各賜金

賞之

奮跡凡九

姬待瀑布傳云惡路王等奪取葉室中納言

某傳諱不

鄰女子伴來於此地父母探索諸列

知其所在竊使人贈書是以女子謀之隱其

使於瀑布下伴惡路王等於櫻野戲游勸酒

惡路王不知醉卧女子與彼使共逃去飯都

故名之

櫻野遺址

在瀑布東南傳云古昔有櫻樹數

百株

來迎橋 在瀑布南傳云古昔姬祈飯都於佛

院院依佛之來迎飯都故名之

達谷窟 或作田谷峭壁斷岩其高八九丈許

東鑑云曰谷窟是田村麻呂利仁等將軍奉

綸命征夷賊主惡路王及赤頭等搆塞岩

室也岩洞之前途至此十餘日而鄰外濱坂

上將軍建立九間四面精舍於此窟前摸鞍

馬寺安置多門天像号西光寺寄附水由右

大日像傳云古堂回祿之後移於此堂中觀

巡聞老志云日本後紀云延曆廿一年四月

庚子田村麻呂等言夷大墓公阿互利為盤

具公母禮率種類降此二虜者奧地之賊首

也無嘗記高九惡路王事唯見人物史田村

麻呂傳又釋書延鎮傳云逆賊高九而未及惡

路王赤頭事唯東鑑書賊主惡路王并赤頭

等搆塞之岩窟也其牴牾異同何哉然得其

者正者則日本後紀及實錄也與諸書不相合

尤可怪

岩大佛 高五丈三尺在窟西斷岩傳云源賴

義征伐安倍貞任之後歷覽此地以弓弮圖

大日像於岩面使石工彫刻為或云源義家
蝦蟆池池形似蝦蟆
手掛松偃岩窟高十仞餘之上傳云古昔惡
路王掛手於此松侯官軍之虛實故云尔或
云源賴義乃掛手也想夫古木枯而後繼植
之乎

鬘掛石在窟北十餘町岩石也高三丈許岩
上有古木傳云以掛惡路王等乃掠取婦女
之鬘於此岩頭名之九裂葉楓樹在寺前

山一曰在号船峠山中數種之貝為土與赤岩相
交故呼此處曰貝形山

川一

達谷川源出自本邑倉見澤而平泉邑曰之
大田川至細谷邑北上川

道一注膽沢郡小路

荻莊赤荻邑有号笹谷外山地本邑及山目中里
前堀作瀬細谷樋口上下黑沢一關二關三關
凡十二邑曰荻莊

神社凡十一

日光權現社 木邑鎮守不詳何也勸請

若宮八幡宮 同上

神明宮二 同上

富士權現社 同上

雲南權現社 同上

寶領權現社 同上

白山權現社 同上

山神社 同上

稻荷神社 同上

電田神社 不詳何也祭何神

佛宇凡二

三十三觀音堂 在要津院中不詳何也創建

觀音堂 在觀音寺中木尊春日作傳云 桓

武帝延曆中坂上田村麻呂征伐達谷窟賊

徒之後創建之田村麻呂所乘鞍矢 鏃 雁 笛

傳為什物

寺凡二

赤荻山要津院 曹洞宗上列郡馬郡白井邑

雙林寺木寺傳云 後柏原帝文龜中雙林

寺第三世曇英和尚開山

正慶山觀音寺 天台宗本郡中尊寺末寺不

詳何人開山

倉廩 雜穀

舊跡 凡八

駒泣坂 傳云古昔征還之道而大嶮所也田

村麻呂 經曆之路也

鐙越 同上

手洗澤 同上 傳云田村麻呂所洗手也

大日澤 傳云有日光三尊來向之影

經塚 在大日沢上有碑記曰元和三年四月

其日宥園敬白 希收 按元和之号 浚水尾帝

其御宇也

市野遺址 在日光館下 傳云葛西家臣小岩

大膳重光住居之市店而有市名存者

舟慶石 在笹谷大石沢高四尺長一丈一尺

橫六尺 傳云辨慶欲試其力而負之今猶有

二條之繩痕

岩泉 或号若泉在若宮八幡社下

千貫石 在觀音寺中高八尺橫一丈二尺長

二丈 傳云坂上田村將軍所掛腰而憇也

川一

磐井川 北方屬本邑源出自本郡五串邑須

川嶽磐井渤化而至狐禪寺作瀨西邑界會

北上川

古墨凡七

其一 号日光館傳云葛西家臣小岩大膳重

光所居館下市店遺址今猶存

其二 号高梨館不詳何人所居

其三 号中城館不詳何人所居

其四 号若宮館不詳何人所居

其五 号田高館傳云坂上田村麻呂遠侯之

地也

其六 号宮田館傳云葛西家族臣所居其姓

名不傳

其七 号外山館不詳何人所居

中里邑 傳云古昔前堀作瀨細谷樋口四邑舊本

邑之端邑而曰中津鄉 後水尾帝寬永中分為

五邑有号根岸大林澤田地

神社凡八

愛宕社二 共不詳何叟勸請

熊野社 同上

根岸明神社 傳云所祭少彥名命不詳何也

勸請

磐倉山神社 傳云延喜式神名牒所載配志

和神社之地也

秋葉社 在龍沢寺中不詳何也勸請

古館八幡宮 在永泉寺中不詳何也勸請葛

西家臣小野修理傳不造營之

和合明神社 傳云 後水尾帝寬永廿一年

十二月矢目伊兵衛常重者勸請之造社不

詳祭何神希致按寬永廿一年 後光明帝

正保无年也和合神祭陰陽兩神乎

寺凡二

里山中詭澤寺 曹洞宗江刺郡黑石邑正法

寺未寺寬永中正法寺第十七世良逸和尚

開山

寬甫山永泉寺 天台宗本郡中尊寺別當未

寺寬永中号栄寬僧開山施主矢目伊兵衛

常重

倉廩 租米及糶儲蓄雜穀

古墨凡二

其一 傳云葛西家臣小野寺修理所居

其二 不詳何人所居或云葛西家臣佐藤紀

伊傳不所居

川一

北上川 西方屬本邑

堰凡三

其一 号澤田大堤中里細谷樋口三邑之用

水

其二 号山神澤堤同上

寺其三 号桐木澤堤同上

橋凡四 各土橋

其一 長八間闊二間 笹谷川

其二 長七間闊二間 根岸堰

其三 各長五間闊二間 澤田堰 雁江堰

道凡二

其一 南一開北膽澤郡往還大道

其二 往東山間道

前堀邑 土人傳云古來本邑及五串猪岡達古袋

市野野上下黑澤赤荻山目鬼死骸牧澤龍澤秋

禪寺一、關三、關中里、細谷作、瀬樋口、凡二十
邑曰磐井里、
神社凡八

熊野三社 不詳何暇勸請

白山社 同上

山王社 同上

神明宮 同上

八幡宮 同上

稻荷社 同上

寺一三 寺同本郡數同上

熊野山長泉院 曹洞宗本郡一、関願成寺末

寺傳云願成寺第五世梅別和尚開山施主

葛西家臣小野寺左馬_傳不詳何暇

古墨一 傳云葛西家臣小野寺左馬_傳所居

川一

磐井川 北方屬木邑

樋口邑 古昔中里邑之端邑也 後水尾帝寬永

中為別邑

神社一

稻荷社 不詳何暇勸請

古墨一 不詳何人所居

作瀨邑 古昔中里邑之端邑也

後水尾帝寬永中

為別邑

神社凡二

神明宮 不詳何人勸請

八幡宮 同上

古墨一 不詳何人所居

道一 往東山道

細谷邑 古昔中里邑之端邑也 後水尾帝寬永

中為別邑

神社凡二

山王社 不詳何人勸請

稻荷社 同上

佛宇一

觀音堂 不詳何人創建

孝子一人 邑民平吉事母致孝 今上帝覽曆

八年四月賜金賞之

古墨一 不詳何人所居

道一 南木郡山目邑北 膽澤郡前澤驛往還道

山目也

山目邑 有市店而驛也

神社凡十六

八幡宮 在伏牛館傳云葛西家臣小岩駿河

傳不詳何 所勸請不詳何

牛頭天王社 不詳何 眈勸請

幸神社 傳云祭猿田彦命天鈿女命不詳何

眈勸請

境明神社 不詳何 眈祭何神

道祖神社 傳云所祭猿田彦命天鈿女命不

詳何 眈勸請

三島神社 傳云勸請豆列三島神不詳何 眈

社地有老櫻其圍三大餘土人云三島明神

農作守護之神也故其花多開則有年少開

則凶年也

配志和神社 延喜式神明牒所載磐井郡二

座之一也傳云一社三神所祭中皇孫尊左

高皇產靈尊右木花開耶姬命而西磐井郡

總鎮守也或作火石輪始輪穗志波又号梅

森明神蘭梅明神 土俗称 又藏社 景行帝

二十四年日本武尊征伐東夷眈到此地祭

三神於嶺上号其山天磐座称其社火石輪
醍醐帝延喜以来改号配志和鎮座以来
一十七百餘年也中古移嶺上社於今地呼
磐座舊地曰木山奥院上古夷賊蜂起官殿
炎上社司沈落其後數世而鎮東將軍大辨
巨勢朝臣造官官殿爾来小黑麻吕田村麻
吕小野春風源義家善國司刺史或再造之
或修補之寄附祭田献納兵器應仁天正之
間天下大乱木宮末社悉荒敗或罹回禄古
記舊物悉為灰燼僅存木宮一字方二尺上棟

記養和元丑九月十六日建立上古有大宮
司二人禰宜五人社家三十六人中古乱世
其徒離散與社職者僅存今称六供之社家
者彼徒之遺裔也今雖各為邑民以居社家
宅地與神事如社家延喜中管神之子下向
居本郡祈父之帰京修造當社建立寺閣安
置十一面觀音像管神之子以其父愛梅手
自植梅樹於此山其梅樹長茂故称梅森當
社明神一胎生三子故邑民於今祈安產植
梅樹以為賽是以梅樹自茂土俗呼紅白梅

称好文本或称蘭春梅号蘭梅山或云
一條帝正曆元年三月十七日造立始輪山
信盛寺日光院觀音堂今猶存矣傳云當社
之攝社末社者如左白鳥社所祭日本武尊
而配祭武日命武彥命拜配志和社者先拜
此社古来之遺式也二立明神或号二石明
神所祭天忍日命天津来目命五体神社所
祭五部神從待社所祭陪從三十二神主二
神社所祭大物主神事伐主神武經社或号
立澤明神所祭武甕槌神經津主神山神社

社所祭大山祇神幸神社所祭猿田彦命天
鈿女命愛宕社所祭伊佐册尊軻久突智神
蛭宮所祭蛭兒神鼻節社土俗号花主明神
根岸明神所祭少彦名命此三社在中里邑
大日宮所祭諾册二尊若火杵宮或号若宮
八幡所祭瓊瓊杵尊此二社在赤荻邑白幡
社所祭日本武尊吾勝兒宮土俗号赤月堂
所祭吾勝尊塩土明神社所祭塩土老翁耀
火社土俗号鏡明神所祭火進尊此四社在
平泉邑其餘所在本郡流者大小一百餘座

云布文按名跡志梅森深山權現下條詳論

菅神之子手植梅樹之事可供視焉

白鳥社詳於配志和神社下未知何暇祭之

二立明神社同上

五休神社同上

從侍社同上

主二神社同上

武經社同上

山神社同上

幸神社同上

愛宕社同上

寺凡二

妙覺山圓滿寺曹洞宗栗原郡岩碕邑黃金

寺末寺傳云黃金寺第十世正中和尚開山不

詳何暇

始輪山梅森信盛寺日光院傳云古昔天台

宗而配志和神社之別當也中古無住荒敗

後奈良帝天文十九年長慶者為日光院

住職長慶今修驗日光院先祖也不詳何暇

改宗為修驗

孝子一人 邑民弥七事祖母致孝 今上帝明

和五年五月賜金賞之

舊跡凡九

金商三條吉次信高宅地道跡 膽澤郡下衣

川邑亦在

原田右迹 諱不傳 宅地道跡 原田右迹者不詳

何人蓋葛西家臣乎

堂遺址三處 在田及山中方四五間許而礎

石猶存偶穿其地則得古瓦不詳何堂而何

跡荒敗 同土

花川戶 在磐井川中不詳以何故名之

老婆石 在磐井川中大石也

老婆杉 在配志和社地圍三丈餘

梅樹 在日光院中其花甚香号菅香梅

川凡二

磐井川 北方属木邑

五體川 小川也木邑照井堰之支流而會磐

井川

古墨凡二

其一 号小石名沢館傳云葛西家臣千葉下

野清宗或作所居

其二 号伏牛城傳云葛西家臣小岩駿河不講

傳 所居

橋凡四 各土橋

其一 長五十四間闊三間 磐井川

其二 長八間闊二間半 五體川

其三 長六間闊二間 同上

其四 長五間闊二間半 朴木沢

道一 南木邑一關驛址膽沢郡前沢驛往還大

道 關驛址

一關邑 有市店而驛也 有号澤地此以下至市野

野邑十一邑公族田村下總身村隆主采地也

神社凡十四

八幡宮 傳云 後冷泉帝康平四年八月八

幡太郎義家創立有上棟古牒記別當弓館

山文珠院

諏訪神社 不詳何 叟勸請有上棟古牒記

後陽成帝文祿二年三月廿七日此時創立

乎

田村神社 東山帝元祿七年三月田村因幡

田坂上建顯勸請創建

稻荷神社二 其一 靈元帝天和三年九月

其二元祿四年九月共田村因幡守建顯勸

請創建

天神社 東山帝寶永三年九月田村家臣境

澤弥三郎造立之

白山権現社 傳云 平城帝大同二年坂上

田村麻呂創建

牛頭天王社 傳云 正親町帝天正二年六

月十五日勸請不詳何人造堂

源上靈社 元祿七年九月廿一日田村因幡

守建顯造堂

山王社 不詳何人勸請

愛宕社二 其一 中御門帝享保十二年田

村家步卒等造立之 其二在延命寺中不詳

何人勸請

熊野社 傳云 後鳥羽帝文治五年四月鈴

木三郎重家到本郡高館時所守護而後

陽成帝慶長十一年別當先祖曼院羅院造

立之

秋葉社 在願成寺中不詳何
聖堂 田村因幡守建顯創建

佛宇凡六

辨財天堂二 其一天和二年九月田村右京
大夫建顯造管其二 中御門帝正德五年
木邑之民等造立之

藥師堂 傳云古昔在本郡下黑沢邑不詳何
時創建且移於此邑有上棟古牒記寬永廿
一年此時移之乎其後 後西帝寬文四年
八月伊達兵部以輔宗勝再造之 希文 按寬

永之号 後水尾帝御宇也

不動堂 不詳何時創建有上棟古牒記天和
二年此時造立乎

觀音堂二 傳云天和二年八月十七日祥雲

院殿造管 希文 按祥雲院田村隱岐守宗良

母而 義山君傍妻三田村又右衛門者女

也 義山君卒落飾号祥雲院其二不詳何

時何人造立有上棟古牒記寬文二年十二

月此時創建乎

寺凡六

大慈山祥雲寺

臨濟宗京師正法山妙心寺

末寺也初寬文十年十一月田村隱岐守宗

良造營於本列名取郡岩沼鄉北長谷邑大

慈圓滿國師雲居和尚開山天和中宗良移

采地於木邑時弟二世古礪和尚中興移于

木邑有當主田村家寄附石百石地下總守誠

顯所安置後鳥羽帝震作千手觀音像

白馬山願成寺

曹洞宗江刺郡黑石邑正法

寺末寺傳云

後小松帝至德二年新山城

主從後四位下少將兼上野守興田盛輔朝臣

造營正法寺輪住梅榮元弘和尚開山當主

田村家寄附米拾石

瑞雲山豐谷寺

臨濟宗京師正法山妙心寺

末寺傳云寬永十八年先主伊達兵部少輔

宗勝造營後西帝万治三年桂翁和尚開

山當主田村家寄附米十石

威德山正覺寺

淨土宗仙臺府下愚鈍院末

寺寬永十五年良文上人開山不詳施主何

人

愛宕山延命寺

真言宗仙臺府下千手院末

寺者覺法印閑祖不詳何暇何人造堂
醫王山般石寺 真言宗仙臺府下定禪寺末
寺寬永十六年八月十勝者造管者尊法印
閑祖

奮跡凡二

綌坂

機織山

川凡二

磐井川

清井川

南方屬木邑

小川也源出自本郡鬼死骸邑柳澤

會同邑牧田川至二關邑入磐井川

古壘一

傳云葛西家臣小野寺伊賀

諱不傳

所居

今當主田村家亦為居館

橋一

土橋長六間闊二間

清井川

堰一

黑澤堰

木邑及二閑上下黑澤四邑用水

道凡三

其一

南栗原郡三迫有壁驛北山目驛往還

大道

其二

往本郡東山間道

其三 往栗原郡岩碕邑間道

二關邑

神社一

寶竜権現社 不詳何暇祭何神

寺一

大悲山慈眼寺 真言宗京師醍醐報恩院末

寺不詳何暇何人開山傳云貞享五年宥專

法印中興閑山當主田村家寄附五十石地

希文按貞享之号 靈元帝御宇而五年乃

東山帝元祿元年也

川元二

岩井川 南方百間許屬本邑

清井川 小川也

道一 北一關驛南栗原郡有壁驛往還大道

三關邑

神社元三

白山社 不詳何暇勸請

天神社 同上

八幡宮 同上

佛宇一

藥師堂 不詳何之創建

寺一

明白山常光寺 曹洞宗本郡金澤邑寶持寺

末寺傳云 正親町帝^天正三年八月十六日

葛西家臣三關城主十葉内膳^{諱不}傳 造管寶

持寺第七世周與和尚開山

川元二

磐井川 南方属木邑

赤川 小川也源出自木邑小澤而會磐井川

古墨一

白碕城 傳云葛西家臣十葉内膳乃居

上黑澤邑 有号川臺地

神社元四

金峯権現社 傳云 平城帝大同中坂上田

村麻呂造營

稻綱権現社 不詳何之勸請

熊野神社 同上

天神宮 同上

寺一

龍谷山長泉寺 曹洞宗本列宮城郡岩切邑

東光寺未寺傳云古寺也不詳何人開
山而何人造堂也殿堂回祿之後後柏原
帝大永六年葛西家臣當邑主小岩越中
傳再造而宗益和尚中興開山也

川元二

磐井川 北方百間許屬木邑

久保川 小川也源出自本郡達古袋立石澤

而與市野野川會至本邑入磐井川

古墨一 傳云葛西家臣小岩越中野居

下黑澤邑 有号西黑澤地

神社元七

八幡宮 亦不詳何人勸請

愛宕社 同上

天神宮二 共同上

春日社 同上

三島神社 同上

瀧明神社 同上

佛宇元二

不動堂 不詳何人創建

觀音堂 同上

寺一

巖嶺山西光寺 曹洞宗本郡赤荻邑要津院

末寺傳云 後奈良天皇天文十四年要津院第

三世竹間和尚開山不詳何人造堂

名泉一

箱泉

瀑布凡三

不動瀑布 高一丈七尺餘闊八間餘

霜後瀑布 高一丈五尺餘闊十七間餘

成澤瀑布 高一丈餘闊二間餘

川凡三

磐井川 東方屬木邑

久保川

滑川 黑澤堰之支流而會磐井川

古墨一 傳云葛西家臣黑澤豐前義任所居

堰一

柏木堰 木邑及一關二關三邑用水

猪岡邑 有号滝原澤深立目小猪岡水山地

神社凡六

八幡宮 不詳何叱勸請

駒形神社 同上

宇南神社 同上

熊野社二 其一在瀧門寺中 共同上

山神社

佛宇凡二

不動堂 不詳何人創建

觀音堂 在瀧門寺中 同上

寺一

威光山瀧門寺 寺畔有瀑布曹洞宗江刺郡

黑石邑正法寺末寺寺僧傳云 後小松帝

應永七年四月正法寺第三世月泉和尚第

子古山和尚開山觀巡聞老志封內名跡志

共為 後光嚴帝貞治元年壬寅古山良空

者所開也與寺僧所傳不合未審

古墨凡三

其一 傳云安倍負任所築而支墨也

其二 号目半館不詳何人所居

其三 不詳何人所居

奮跡凡五

大門長根 傳云安倍負任建門處

鷹繫石 長二尺五寸 橫二尺 廣二尺 厚一尺

五六寸許 在嶽中 傳云源義經繫鷹石

硯水石 高一丈餘 四方共 同在嶽中 傳云源

義經以石間 汙水為硯水

臨石 高九尺許 厚二尺許 橫一丈餘 不詳其

古所 以名之

馬場 在嶽上 傳云源義經御馬處

瀑布 凡二

纏瀑布 高二丈五尺 闊四間 三尺

目半瀑布 高二丈二尺 闊五間 三尺

沼 凡二

其一 土号 高畠沼 長百廿間 許橫六十間 許

其二 赤田沼 長五十間 許橫三十間 許

川 凡七

磐井川 南方屬木邑

猪岡川 小川也 高畠沼之支流 而會磐井川

產如川 同上源 出自須川 嶽狐形 吹越澤而

會磐井川

帶内川 同上源 出自木邑 大黑森澤 而會

井川

小股川 同上源出自水邑橫根嶽澤而會產

女川 同上源出自水邑橫根嶽澤而會產

挂川 同上源出自水邑橫根嶽澤而至須川

嶽下會磐井川 同上源出自須川嶽烏帽子形澤而

一石川 同上源出自須川嶽烏帽子形澤而

會磐井川 同上源出自須川嶽烏帽子形澤而

堰 一 黑澤堰 水邑及上下黑澤三邑用水間持

橋 一 土橋長十七間闊二間 磐井川 十間持

道 一 往栗原郡小路也 五間三尺

五串邑 有号山谷木寺地 高十尺

神社 凡 九 稻荷社 傳云 後奈良帝天文六年勸請

三嶽權現社 不詳何也勸請

八幡宮 同上

若子宮 同上所祭五勝大明神在号木寺地

或云以祭五勝尊小碓尊二皇子称二子宮

又称若宮

宇南權現社 同上

神明宮 傳云 靈元帝天和中勸請

熊野社 同上

牛頭天社 不詳何叱勸請

山王窟 傳云 仁明帝嘉祥三年慈覺大師

勸請土人稱之曰巖宮大明神山王山或曰

麗美宮

佛宇一

觀音堂 傳云不後西帝明曆中創建

石不動 雕不動梵字於大石号不動石不詳

何叱立之

大日石大小二個大石高十丈許圍二十丈

寺一

許小石高三丈許廣八丈許厚三丈五尺許

珍澤山長慶寺 曹洞宗江刺郡黑石邑正法

寺末寺 後柏原帝永正中正法寺第七世

良椿和尚閑山傳云平氏之人造立之不詳

何人

倉廩 雜穀

舊跡凡十八

須川嶽 駒形嶽北方屬本邑号須川嶽或作

清輪

須川温泉 在嶽中治上升頭痛眩眼疾金創

疝氣婦人血症且使無子女懷胎也 清和

帝負觀十五年六月授温泉神位五位下

二個石 在仙北域其一高五尺許廣七尺許

厚五尺其二高五尺許廣一丈許厚七尺許

一個石 在仙北域高二丈許四方各二尺許

上淨土 在北嶺土俗号五百羅漢石高三尺

許乃至一丈五尺許之石數百相並

寺胎内窹石 高二丈許其中有穴人皆窹之

八萬地獄 澤中而四方大小石相連 五尺許

鬼石 高一丈五尺許圍一丈六尺許

古釜石 有雌雄二個雄石高一丈六尺許圍十

六丈許雌石高一丈六尺許圍十四丈許

劍山 尖石相連仙北号之劍嶽

死出山 小峯也

白洲岨 産硫黃

栢森 仙北号之松原岨

薊秃 仙北号之木賊山

木寺 傳云以葬慈惠大師白骨首故其處稱

骨寺 古昔文字書骨寺

坂芝山古在磐井川邊有古塚高可八尺方二
木間餘是乃葬慈惠大師之首地也土人云口
中有疾者祈之則愈

平泉野方五町許中有方一町許之旱地傳
云是乃古昔平泉所出之地也今之平泉之
本元而自此地移于今地又有白山社之遺
址傳云慈覺大師自此地移白山社于中尊

寺古蹟

古寺跡凡三
其一地骨寺

其二号栗駒山法遍寺
其三号大日山中尊寺傳云今之中尊寺自
此地移之

川凡四

磐井川 北方屬木邑

穢多川 源出自須川嶽劍山澤而會磐井川

三津川 源出自須川大日嶽澤而會磐井川

滑川 照井堰之支流而會磐井川

水凡二

岩井渤化 磐井川之源也

判官水 大石高四尺許圍一丈三尺許其上
所平有穴周一尺許而有水傳云古昔源義
經飲之

沼凡二 土俗号之夫婦沼
夫沼 長八間許橫五間許
妻沼 同上

瀑布凡四

京田瀑布 高一丈闊三間餘
惜瀑布 高二丈餘濶三間餘名跡志云舊說
傳云碎玉瀑布直下二丈餘廣六尺許翠濤

分巉岩白練界吾山足致壯觀也今問之鄉
人不詳其地舊說所傳者指此瀑布乎

大瀑布 高一丈濶二間餘
玉瀑布 或号小松瀑布高八尺濶二間餘
古墨凡四

其一 傳云葛西家臣增澤八右衛門
傳 譯不
所居

其二 不詳何人所居
其三 在号本寺地傳云本寺十郎左衛門
傳 譯不
所居本氏称佐藤

共四 所在同上 不詳何人所居

狐禪寺邑 有号山田地

神社凡八

愛宕社 不詳何 叵勸請

牛頭天王社 同上

古熊野社 同上

天神宮 同上 小外聚高八尺 殿二間

小禪子大明神社 不詳何 叵勸請何神

宇南權現社 二書共 不詳何 叵勸請

訖明神社 不詳何 叵勸請何神

佛宇一 山小川 撒天以之木 派而至本 寺

藥師堂 不詳何時創建

寺一 山小川 撒天以之木 派而至本 寺

雞頭山光西寺 曹洞宗 本郡一 關邑 願成寺

末寺傳云 古昔藤原秀衡造 菅堂宇 回祿之

後 花園帝 永享十年八月廿八日 願成

寺 第九世 梵西和尚 中興開山

奮臨凡二

尼森 傳云 古昔此處有比丘尼寺 西行法師

止病

巖洞 在北上川南号志賀山地長一間半橫
一間傳云北條之頼入道最明寺回國之時遇
雨待晴處

名石 凡二

貝取石 高一丈許圍三丈許

舞石 高二丈五尺許圍三丈八尺許

川 凡三

北上川 西南方屬木邑

磐井川 東南方屬木邑

新思川 小川也 瀧沢川之末流而至 木邑會北

正川

古墨一傳云葛西家臣新柵太郎九衛門種次

所居

瀧澤邑 有号藤地

神社 凡五

熊野神社 不詳何也 勸請或傳云 平城帝

大同中坂上田村麻呂所造堂

龍明神社 不詳何也 祭何神

白山社 不詳何也 勸請

月山権現社 同上

新山権現社 同上

寺一

醫王山長壽寺 曹洞宗江刺郡黑石邑正法

寺末寺傳云 後小松帝元永十五年三月

葛西家臣本郡下黑澤邑主黑澤相模傳不

造管正法寺第三世虎溪和尚閑山

瀑布一 号境瀑布高一丈五尺餘潤七間餘

川一

古滝澤川 小川也源出自本郡牧澤邑 枕本澤

而至狐禪寺邑曰之思川會北上川

古墨一 傳云葛西家臣蜂屋隱岐傳不所居

道一去西本郡一關驛東本郡東山薄衣邑住還

道也

牧澤邑

神社凡二

八幡宮 不詳何之勸請

神明宮 同上

古墨一 傳云葛西家臣細谷逆江傳不所居

鬼死骸邑 傳云古昔瘞大武丸屍故名之右号柳

澤地

神社元二

八幡宮 不詳何 叟勸請

鹿島神社 傳云 平城帝大同中坂上田村

麻呂征伐大武丸之後所勸請

寺元三

曹源山瑞川寺 曹洞宗仙臺府下松音寺末

寺傳云松音寺第六世松菴堅負和尚開山

不詳何 叟注古大碕丸衛門督義隆領木列

志田郡稻葉邑古川 叟造堂之當主田村家

古里寄附十二石之地 其地

玉林山長勝菴 此寺荒廢已久 不詳何 叟何

人開山而何宗 今日蓮宗武列豐島郡堀内

邑日圓山妙法寺末寺 櫻町帝元文三年

十月三日當主田村左京大夫村頭再興廢

寺之遺蹟 每年寄附俸米五石金七兩妙法

寺第十世東漸院日弘弟子獨明院中興開

祖

千川山正洞院 曹洞宗本郡一關邑願成寺

未寺傳云 正親町帝永祿十二年願成寺

第九世澤翁和尚開山不詳何人造堂

舊跡一丈五尺許

高橋遺址往還路中古昔有橋長八間橫三

間高一丈五尺許板橋而古來号之高橋

東山帝寶永中埋其澤為平地今無其橋

石凡二

鬼石在鹿島社下田中高六尺許圍三丈許

傳云埋大武丸之屍處

膽石隔鬼石一町許在田中長六尺許廣四

尺許平石也

古墨凡二

軒其一凡傳云葛西家臣小岩伊賀諱不所居

市裡其二傳同上

川一

牧田川源出自木邑西澤而至一関邑會清

井川

橋凡三各土橋

其一長六間半濶一間半

其二長六間濶一間半

其三長五間半濶二間

道凡二

追分澤

鍋倉澤

牧田川

其一 北木郡一、関驛南、栗原郡有壁驛往還

其二 往栗原郡岩碕邑間道

達古袋邑 有号長地倉地

神社一

八幡宮 傳云 後冷泉帝康平五年八月十

五日勸請有上棟古牒

古墨一 傳云葛西家臣小岩刑部傳不所居

市野野邑 有号芦口外山澤地

神社九八

保呂羽權現社二 共在号自鏡山頂上及中

腹傳云所祭吾勝尊而祭記日本武尊号吾勝

宮或号勝宮大明神今呼稱保呂羽權現者是

也不詳何之勸請

月山權現社 在号佛森山上不詳何之勸請

愛宕社 不詳何之勸請

八幡宮 同上

神明宮 同上

熊野社 同上

藏三權現社 同上

高山 凡二

自鏡山 或作自經 邑中之高山也 古昔号忍

骨山 或小笹森 又号地形森

佛森 邑中之高山也 傳云古昔号本邑 曰佛

澤 亦以有此山也 藤原秀衡世此山產矢筥

竹 呼邑名 曰一之筥 今無其竹

古墨 一

釣尾館 傳云葛西家臣小岩孫三郎 傳不所

居 傳云西家臣小岩孫三郎 傳不所

川 一 凡二 共五 邑 自鏡山 即土中

市野野川 源出自本邑 茗荷澤而至 上黑澤

邑 曰之 父保川 會磐井川

橋 一 土橋長六間 濶二間 市野野川

磐井郡 流高倉莊 東永井邑 以下西永井 奈良坂

三邑 雖在郡中 屬栗原郡 三迫受指揮

神社 一

牛頭天王社 不詳何 叟勸請

寺 一

平洞山祥雲寺 曹洞宗 仙臺府下輪王寺末

寺 傳云 後光明帝 承忘中角外 麟怨和尚

開山云 創設即命承六中開教觀效味尚

古墨一傳云永井讚岐 傳不 所居

川一

北上川 偏岸屬木邑

流同莊西永井邑 有号高倉丹目地

神社一

咲耶命

白山権現二 神一 社相殿祭之傳云 四條

帝仁治三年 所勸請發

佛宇一 自本邑高 戰而至土黑

藥師堂不詳 何時創建

寺凡二堂 真言宗仙臺府下詭寶寺末

東光山醫王寺 寺不詳何人開山

用德山瑞昌寺 曹洞宗丹羽列永澤寺末寺

傳云 後柏原帝大永三年材天間棟和尚

開山

古墨凡二

其一傳云 加瀬谷三河傳不 所居

其二傳云 永井半右衛門傳不 所居

沼凡二

中白沼 接登米郡櫻場石森上沼三邑

加沼 接栗原郡三迫石越邑

流同莊奈良邑

神社凡二

天神宮 不詳何時勸請

愛宕社 同上

佛宇一

藥師堂 傳云 後土御門帝明曆二年創建

寺一

藥用山養壽寺 曹洞宗本郡流金沢邑寶壽

院末寺傳云明應二年周與和尚開山

古壘一 傳云奈良坂源左衛門傳不所居

橋一 土橋長九間濶一間半境川

流同莊金沢邑 有号大門内沢川生澤管平中山

地有市店而驛也以下至富沢邑十三邑田村下

總守村隆采地

神社凡七

稻荷社 不詳何時勸請

八幡宮 不詳何時勸請傳云源賴義征伐安

倍負任，此勸請石清水八幡大神於木郡金澤飯倉清水三邑有上棟古牒記又安五年八月十五日希文按久安之号，近衛帝御

宇也，姑撰傳記則此此再造之乎

愛宕社，在古墨木丸不詳何時何人勸請

新山權現社，不詳何時勸請

汰了權現社，同上

宇南權現社，同上

牛頭天王社，同上

佛宇元二，曹風宗本攝成金天寺曹宗

大日堂，不詳何時創建

大門地藏堂，同上傳云本尊運慶作号大門一者藤原秀衡居館大門之遺址

寺元二

稻荷山宝持院，曹洞宗舊豐後列妙德山泉福寺末寺也以遠國今為羽列村山郡半郷

邑解大山安養寺末寺，後小松帝明德四年八月十二日無著妙融和尚開山

倉廩 儲蓄雜穀

高大寺遺址，山号不傳今為邑民宅地

古墨凡二

其一 傳云藤原秀衡家臣金沢伊豆傳不所

其二 不詳何人所居

川一

金沢川 源出自栗原郡三迫片馬合邑而至

日形邑會北上川

堤一 号菅平堤本邑中邑兩邑用水

橋一 門土橋長五間濶二間本邑中邑兩邑用水

泉六 日堂 不詳何如餘數

馬骨清水 傳云藤原秀衡平日汲此泉煎茶

汲者厭其勞以馬骨投之故名之

道一 往東山道

流同莊飯倉邑

神社凡二

三嶽 權現社 所祭熊野神也 後西帝寬文

九年九月勸請

八幡宮 希文 按當社所傳之緣起云 白河帝

承二年藤原清衡勸請之金沢清水西邑八

幡宮社傳為源賴義勸請與此說不合未審

佛宇一不詳何 毘沙門堂不詳何 毘沙門堂不詳何 毘沙門堂不詳何

古墨凡二不詳何 其一 号飯倉館傳云千葉四郎兵衛泰常所

居也泰常者寺崎彦九郎清次之末孫而葛

西家之族臣也 後陽成帝天正中戰死于

挑生郡深谷莊糠塚其以前熊谷伯耆諱不

居之今呼之曰要害 其二 号大槻館泰常自飯倉館移住于此称

流同莊清水郷清水邑 本有号仁王原大槻前河原

地有市店而驛也 神社凡六

白山権現社 不詳何 叺勸請

八幡宮 傳云源頼義征伐安倍負仕 叺勸請

石清水八幡大神 於本郡清水飯倉金沢三

辰金大明神社 傳云本吉郡大谷邑主葛西

式部少輔清秀移住於本邑清水城 叺勸請

之 正親町帝天正中社 荒敗之後八幡官

相殿祭之希文按葛西家系無式部少輔清

秀者其支流乎傳云後土御門帝明

月山山王兩權現社傳云後土御門帝明

應九年葛西家臣清水玄蕃信清勸請相殿祭

高木大明神社不詳祭何神傳云後鳥羽

白帝文治中藤原秀衡家臣照井太郎高春所

勸請

丹生大明神社遺址在号仁王原地不詳祭

何神傳云後冷泉帝平五年源賴義勸請

寺一之如谷二指並新立寺

金奇山宝泉寺曹洞宗本郡金澤邑寶持院

末寺傳云此寺古昔平城帝大同中坂上

田村麻呂造管天台宗而号花立山寶泉院

荒廢之後後土御門帝明應中清水玄蕃

信清再興之以金沢邑寶持院第二世玉應

周林和尚為開祖改号金奇山寶泉寺

舊跡凡二

仁王原大門遺地大傳云五孝謙帝天平寶字

中惠美朝，舊建大門，安置仁王像，故号此地。大門仁王原，其後朱雀帝天慶中，田原藤太秀鄉安置地藏像，正親町帝元龜中，回祿之後，植松樹于其遺址。花立泉，今不詳其所在，希文按以寶泉寺古昔号，花立山考之，則在寶泉寺境内乎。

古墨一
二櫻古城，今号清水城，傳云嵯峨帝弘仁二年，征東將軍文室綿麻呂所陣，而源賴義東征，叱令軍監熊谷二郎直李陣之，後鳥

羽帝文治中，秀衡家臣照井太郎高春居之，其後葛西家族式部少輔清秀至，子孫亦皆居之。後陽成帝文祿中，宮城郡利府城主留守上野介政景移住于此，元和初，移於本郡一閑古墨之後，為空地。

道一 往栗原郡道

流同 庄金森邑

神社 凡四

白山權現社 不詳何叱勸請

牛頭天王社 傳云清和帝貞觀十九年六

十月十五日勸請是上棟古牒所記也其餘有
再造上棟古牒記曆應三年六月十五日希

文按曆應之号 光明帝御宇也

七五三明明神社 不詳何之祭何神

新山権現社 同上

寺一

金森山金藏寺 曹洞宗木郡金沢邑宝持院

末寺傳云 後柏原帝大永四年宝持院第

五世安叟閻泰和尚開山 歲次壬午

古墨一 傳云葛西家臣金森内膳詩不所居

流同莊中邑

神社凡四

白山権現社 不詳何之勸請

天神宮 右 上棟古牒記 應永三十四年九月

二十五日

神明宮 不詳何之勸請

愛宕社 同上

佛宇一

觀音堂 不詳何之創建

寺一

中興山德壽院 曹洞宗本郡金澤邑寶持院

末寺傳云 淡花園帝長祿三年寶持院第三

世盤喜周省和尚閑山

古墨一 傳云葛西家臣十葉相模傳不所居

流同莊上油田邑

神社一

鬼渡大明神社 不詳何時祭何神

佛宇一

藥師堂 後西帝寬文八年九月八日創建

寺一

長松山寶祥寺 曹洞宗本郡西永井邑瑞昌

寺末寺 後陽成帝慶長元年瑞昌寺第三

世日峯正作和尚閑山

古墨一 傳云金七郎姓諱共所居

流同莊下油田邑 有号猪岡沢沃黑境田地

神社一 一社相殿 二祭二神

愛宕

八幡 共不詳何時勸請

古墨一 傳云葛西家臣二階堂肥前傳不所居

堤一 号蒲澤堤 本邑蝦島西邑用水

流同莊蝦島邑有号鷓木貝取栢木川口原地

神社凡九

白山権現社二其一在満昌寺中傳云後

奈良帝享祿中勸請其二傳云正親町帝

永祿二年九月勸請

神明宮不詳何也勸請

古愛宕社有上棟古牒記天正元年六月建立

希收按天正之号正親町帝御宇也

鹿島社有上棟古牒記慶長六年九月造立

希收按慶長之号後陽成帝御宇也

御駒社不詳祭何神有上棟古牒記承應二

流同年九月建立希收按承應之号後光明帝

御宇也

古運南社有上棟古牒記貞享三年九月建立

希收按貞享之号靈元帝御宇也

法量権現社不詳何也勸請

道祖神社同上

佛宇凡二

毘沙門堂不詳何也創建

阿弥陀堂同上

寺元

幢傳山滿昌寺籍曹洞宗本列栗原郡澤邊邑

全慶寺末寺傳云後奈良帝享祿元年快

叟詭意和尚閑山

海北山平等寺古昔有此寺不詳何宗而何

何人閑山今荒廢為邑民宅地

古墨傳云葛西家臣佐佐木安藝譯不所居

道一往栗原登米西郡道

流同莊涌津邑有号台濱合柴熊野倉矢目吉田

原地有市店而驛也

神社允六

古護汰竟天善神社不詳何何祭何神

運南権現社不詳何何勸請

八幡宮傳云後土御門帝明應二年葛西

家臣木邑主岩淵民部譯不所勸請

愛宕社不詳何何何勸請

熊野社同上

山王社同上

佛宇一

十手觀音堂不詳何何創建

鉄五輪塔 堂地得之高二尺六寸廣三尺五寸銘記文
永五年二月二十五日沙弥西信 希文 按文
永之号 龜山帝御宇也

寺一

涌津山長禪寺 曹洞宗木刈江刺郡黑石邑

正汰寺末寺傳云 後小松帝忘永三年正

汰寺第三世虎溪良乳和尚開山

古墨允二天寺 蘇台 不詳何人所居

其一 傳云葛西家臣岩淵四郎兵衛 傳 詩不所

其居 西 蘇台 不詳何人所居

其二 不詳何人所居

橋一 土橋長九間濶二間 馬渡戶

道一 往栗原登米兩郡道

流同莊峠邑 有号蛭沢藤田宮澤地

神社凡六

白山社 在大祥寺中傳云 後光嚴帝文和

三年勸請

八幡宮 不詳何所勸請

王子社 同上

愛宕社二回共同上
運南社同上
寺一

詭雲山大祥寺
曹洞宗木刈江刺郡黑石邑
正法寺末寺傳云
後光嚴帝文和三年正
法寺第二世月泉良印和尚闕山

古墨凡四
其一傳云寺崎石見守諱不所居希文按寺
崎者葛西家族臣乎
其二号西館傳云寺崎家士菅原與三左衛

門諱不所居
其三号南館傳云寺崎家士千葉大隅諱不
所居
其四号杉宅地館傳云号祈念坊普賢院僧
所居

流同莊男澤邑
右号田野澤小沼
地
神社凡三
白山社
不詳何也勸請

運南權現社 同上

神明宮 同上

佛宇一

六角堂 本尊如意輪觀音傳云奧列三十三處第十八番札處也 聖武帝御宇茂呂志賀者創建

寺一

龍澤山道慶寺 曹洞宗本列江刺郡黑石邑其正法寺末寺傳云正法寺第二世月泉良印和尚閑山不詳何時

古墨一 傳云葛西家臣及川右馬丞諱不所居

流同莊日形邑 有号沼田下清水山中地有市店

而驛也

神社凡七

月館大明神社 傳云館之号以至秋月出自

此山也所祭稻荷大明神古昔本郡峠邑乃

明城主寺崎石見寺諱不勸請造營寄附祭

田今稱明神田者是也 有上棟古牒記安貞

二年九月二十九日希文按安貞之号後

堀河帝御宇也

八幡宮 不詳何由觀請

牛頭天王社 傳云 後奈良帝天文中寺崎

下野守 傳不勸請

愛宕社 不詳何由勸請

葉山権現社 同上

荒人社社 舊在号藥師崖地 後奈良帝天

文中移社於号野田 櫻町帝元文二年再

移於号門前地 建石堂於野田社地稱之奧

院詳見藥師堂下 田下社中此社

沼神社 在号沼田地 不詳祭何神傳云自古

夏初 沼神投蠶於沼中 於今至四月二十日

許間如蠶物多 浮水上見者多 亦十八

佛宇凡二

藥師堂 傳云葛西時信家臣但馬者 姓諱共

有罪自殺其靈為崇是以時信為祈願造堂

之自書醫王山之額揭之建社祭但馬靈号

荒人社社別當修驗号醫王山室壽院

弥陀堂 傳云古昔之堂飛驒工匠造之

倉廩 租米

菴地凡二 其一荒廢惟存遺址

舊跡

甲橋カキ在月館社西傳云古昔以蟹甲掛橋故

名之

古墨凡四

其一 号北館傳云峠邑城主寺崎石見守家

士十葉伊豆諱不所居

其二 号東館傳云寺崎家士岩淵美作諱不

所居

其三 号上次釜館傳云寺崎家支流專十代

丸所居

其四 号小野山館傳云葛西家臣小野寺肥

後諱不所居

川一

北上川 偏岸属本邑

流同莊富澤邑

神社凡七

白山社 在金昌寺中傳云 後西帝明曆中

勸請

山王社 傳云 正親町帝永祿三年二月下

野守藤原朝臣流清秀勸請希文 按清秀者葛

西族臣乎然曰藤原朝臣葛西家平氏也別
人乎未審

諏訪社 不詳何勸請

天神宮 同上

八幡宮 同上

熊野社 同上

御駒社 同上

寺一

富澤山金昌寺 曹洞宗本列栗原郡岩崎邑

黃金寺末寺傳云 叡後西帝明曆中黃金寺

第九世詭國和尚閑山

倉廩 租米

古墨凡二

其一 傳云葛西家臣岩淵民部傳不所居

其二 号西風館傳云是亦岩淵民部所居

川一

北上川 偏岸屬木邑

橋凡二 各土橋

其一 長七間濶一間半 釜別

其二 長五間半濶一間半 館下

流同莊楊生邑 右号平澤地

神社凡四 其一在長安寺中 傳云 正親町

白山社二 其一在長安寺中 傳云 正親町

帝天正十八年勸請 其二不詳 何暇勸請

熊野社 有上棟古牒記 弘治二年丙辰九月

吉日 千葉山城守持家造立 希文按 弘治之

号 淺奈良帝御宇也 千葉者葛西家族臣

寺也

神明宮 不詳 何暇勸請

寺

金城山長安寺 曹洞宗 本郡赤荻邑赤荻山

要津院 末寺 傳云 天正十八年 要津院 第五

也 曇苾慧應和尚 閑山

川一

北上川 偏岸 属木邑

封内
卷之十八下

畢

...

四一

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

...

